

ତେସଲନିକୀୟମାନଙ୍କ ନିକଟକୁ ପାଉଲଙ୍କ ଦ୍ୱିତୀୟ ପତ୍ର ତେସଲନିକୀୟ ମଣ୍ଡଳିକୁ ପାଉଲଦି ମାରିଉଣ୍ଡି ଆକୁ ତେସଲନିକୀୟ ଆକୁ ବିସୟତାନ୍ ଏସ ମାଟା

ତେସଲନିକୀୟ ମଣ୍ଡଳିକୁ ମାରିଉଣ୍ଡି ଆକୁ ପ୍ରେରିତ ପାଉଲତି ମାଣାନ୍ ରାସାତାମାର୍ହାତ୍ ୧:୧ । ୧ ତେସଲନିକୀୟଦି ସାଣେକ୍ ବେଡ଼ା ଝେନ୍ଦକା କ୍ରିସ୍ତଦି ଜନମ୍ତି ୫୧ ବାର୍ସେକ୍ ଝେନ୍ଦକା ଇୟା ଆକୁ ରାସାତାମାର୍ହାନ୍ । ପାଉଲ ଏସ୍ତିଝାଲେ ତେସଲନିକୀୟ ମଣ୍ଡଳିଦିଙ୍ଗ୍ ସିଟି ରାସ୍ତାନ୍, ନାସ୍ତିଝାଲେ ଝାନ୍ କରିନ୍ତିୟ ମଣ୍ଡଳିକୁ ମାର୍ହାନ୍ । ଆମା ମଣ୍ଡଳି ଝାନ୍ ମାରିଉଣ୍ଡି_ଦେବା ସନିକା ତିଆର୍ କିତାମାର୍ହାନ୍ ପ୍ରେରିତ ୧୭:୧-୧୦ ।

ପ୍ରେରିତ ବଇଦୁ ଇନାୟଆନାତ୍ ଜେ, ଏସ ଜିହୁଦି ମାରି ଏସ ଗ୍ରିକ୍ ବାସା ଇଜିମାନି ଲୋକା ମାଣାନ୍ ଇୟା ତେସଲନିକୀୟ ମଣ୍ଡଳି ତିଆର୍ କିଆୟଆତାମାର୍ହାତ୍ । ତେସଲନିକୀୟ ମଣ୍ଡଳି ଲାକ୍ତୁ ରାସାତିମାନି ସିଟିକୁ କ୍ରିସ୍ତଦି ଝାଜିନିଦିନ୍ ମାରି ସାରାସାରି ବେଡ଼ା ବିସୟତାନ୍ ରାସାତାମାନାତ୍ । ଇରିଙ୍ଗ୍ ପାଉଲ ରୁଣ୍ଡି ଝାନି ଆକୁଦୁ ତେସଲନିକୀୟ ମଣ୍ଡଳି ଲାକ୍ତୁ ଇୟା ମାରିଉଣ୍ଡି_ଦେବା ଝାଜିନିଦିନ୍ ବିସୟତାନ୍ ନାଣ୍ଡ ବିସୟତାନ୍ ରାସ୍ତାମାନାନ୍ । ୨ ତେସଲନିକୀୟକୁ ରାସାତି ବିସୟ ପାକାପାକି ଆଦାବାର୍ ବିସୟ ସାରାସାରି ବେଡ଼ାଦି ବିସୟୁ ଆନାତ୍ । ପାଉଲ ବା ଗାଡ଼ିଆ ବିସୟତାନ୍ ଜାଗାର୍ତା କିନାନ୍ । ଝିଜେରେ ଲୋକୁ ଝାରି କାଦି ଉଣ୍ଡିଙ୍ଗ୍ ପାଣି କିନିକା ମାନାତ୍ ୩:୭-୧୦ ।

ଇୟା ଆକୁଦୁ ମାନି ଏସ ମୁକିୟ ବିସୟ

୧. ପାଉଲ ଝାନି ସିଟିକୁ ନିଜେଦିକା ମାରି ଅର୍ସେପାଣିକିନିଝାରି ପରିଚୟ ଝେର୍ସି ଆରାମ୍ କିନାନ୍ । ୧:୧-୨

୨. ମାରି ତେସଲନିକିୟ ମଣ୍ଡଳି ଉଣ୍ଡିଙ୍ଗ ମାପୁରୁଙ୍କୁ ଦନ୍ୟବାଦ
ସିନାନ୍ ମାରି ପାର୍ତନା କିନାନ୍ । ୧:୩-୧୨
୩. ଜଗତ୍ତ ସାରାସାରି ବେଡ଼ା ବିସୟତାନ୍ ଝେରନାନ୍ । ୨
୪. ମାରି ଝାନ୍ ଗାଡ଼ିଆ ବିରୁଦ୍ଧତାନ୍ ମାରି ପାଣି କିନି ବିସୟତାନ୍
ଝେରନାନ୍ । ୩:୧-୧୫
୫. ପାଉଲ ମାରିଡେସି ମଣ୍ଡଳିଦି ଲୋକାଙ୍ଗ ନମସ୍କାର କିଜି
ଝିସ୍ନାନ୍ । ୩:୧୬-୧୮

୧ ☆ପାଉଲ, ସିଲା ମାରି ତିମତି ମା ବୁବା ମାପୁରୁ ମାରି ପ୍ରବୁ
ଜିସୁ କ୍ରିସ୍ତିମାନୁ ମାନି ତେସଲନିକିଆ ମଣ୍ଡଳି ଲାକ୍ତୁ ଇୟା ବଇ
ରାସ୍ସିନା ।

୨ ମା ବୁବା ମାପୁରୁ ମାରି ପ୍ରବୁ ଜିସୁ କ୍ରିସ୍ତି ମିଙ୍ଗୁ ଦୟା ନି ସାନ୍ତି ସିପିନ୍
।

କ୍ରିସ୍ତି ଝାନିଦିନ୍ତି ବିଚାରୁ

୩ ଏ ତଡ଼ାନ୍କୁ ନି ତାଙ୍ଗୁକି, ମି ଉଣ୍ଡିଙ୍ଗ ମାପୁରୁଙ୍କୁ ଝିଜୁଦିନ୍
ଦନ୍ୟବାଦ ସିନିକା ମା ଦରକାର । ମା ତରିନ୍ ଇକା ଟିକ୍ ଇଜି ମାପ
ଅଡ଼ବିଜିନାପ୍, ଇରିଙ୍ଗ ମି ବିସ୍ବାସ ନାଣ୍ଡ ପିରଜିନାଡ଼ ମାରି ମିର୍
ନିଜେନିଜେଦଙ୍ଗ ନାଣ୍ଡ ଜିବନ୍ନୋଜିନିଦେର୍ ।

୪ ଆଦେଙ୍ଗ ମାପୁରୁଦି ପାର୍ତନାକିନି ମଣ୍ଡଳିଆଙ୍ଗା ମିଙ୍ଗୁ ଅସି
ମାପ୍ ଗାରୁ କିନାମାନାପ୍ । ମିର୍ ଏଣ୍ଡେସ୍ ଆମା ଝିଜୁ ତାଡ଼ନା ମାରି
ଦୁଃକ୍‌କାସୁ ସାସ୍ କିଜି ନିଜେଦି ବିସ୍ବାସ୍ତୁ ଇନିଙ୍ଗା ଆନିଙ୍ଗା ଆଏଣ୍ଡା
ତେବାତିମାନିଦେର୍ । ଇୟା ମାଟା ମାଡୁ ଗର୍ବଦାନ୍ ଝେରନା ମାନାପ୍ ।

୫ ଇୟା ଝିଜୁମାଣାନ୍ ପାରାମାଣ୍ଡ ଆଜିନାଡ଼ ଜେ, ମାପୁରୁଦି ବିସାର୍
ଟିକ୍ ମାରି ମିର୍ ଝାନି ରାଜିଦି ଜଗ୍ ଆନିଦେର୍, ଇରିଙ୍ଗ ଆୟା ରାଜି
ଉଣ୍ଡିଙ୍ଗ ମିର୍ ଦୁଃକ୍ ବୋଗାଜିନିଦେର୍ ।

୬ ଆମାକା ନ୍ୟାୟତିକା, ମାପୁରୁ ଆକା ପୁରା କିନାନ୍ । ଆମାକାର
ଇଲେଇ ମିଙ୍ଗୁ କାସୁ ସିଜିନାର୍, ଝାର କାସୁ ପୟନାର୍ ।

୭ ମାପୁରୁ ମିଙ୍ଗୁ ନି ମାଙ୍ଗୁ ବା ଝିଜୁ ଦୁଃକ୍ ବୋଗତାନ୍ ରମିସ୍
କିନାନ୍ । ମାପୁରୁ ଇୟା ପାଣି ପୁରା କିନାନ୍, ନାସିଝାଲେ ପ୍ରବୁ ଜିସୁ
ଝାନି ପେରି ସାନ୍ତିଦାନ୍ ଦୁଡ଼କା ଝାଲେ ମୁସ୍‌କୁପୁରତାନ୍ ରେତାନାନ୍ ।

୮ ଆମାକାର ମାପୁରୁଙ୍କ ନେତୃତ୍ୱ ମାରି ମା ପ୍ରଭୁ ଜିସୁଦି ସୁସମାଚାର ମାନାଏର, ଆୟା ଲୋକାଙ୍କ ସାସ୍ତି ସିନି ଉଣ୍ଡିଙ୍କୁ ଖାନ୍ ନାସ୍ତିଖାଲେ କାସ୍ତିମାନି ସିସୁଦୁ ପକ୍ଷନାନ୍ ।

୯ ଆୟା ଲୋକୁ ପ୍ରଭୁଦି ଆଗ୍ତିରାନ୍ ମାରି ପରାକ୍ରମ୍ବଦି ଗୌରବଦାନ୍ ଖେରଏ ଆଜି ଖିଜୁଦିନ୍ତି ଉଣ୍ଡିଙ୍କୁ ନାସ୍ତି ଆନାର ।

୧୦ ମାତର ଆୟା ନାଣ୍ଡିଙ୍କୁ ଖାନ୍ ଖାରି ଲୋକାମାଣ୍ଡୁକୁ ମାରି ଖିଜେରି ବିସ୍ତାସ୍ତି ଲୋକା ମାଣ୍ଡୁ ସନ୍ମାନ ମାରି ଗୌରବ ପୟନାନ୍ । ଇୟାଖାରି ମାଣ୍ଡୁ ମିର୍ ବା ମିସାନିଦେର, ଇରିଙ୍କୁ ମାପ୍ ମିଙ୍ଗୁ ଆମା କାରୁର ସିତାମାର୍ହାପ୍, ଆବେନ୍ ମିର୍ ବିସ୍ତାସ୍ କିତିମାନିଦେର ।

୧୧ ଆୟାଉଣ୍ଡିଙ୍କୁ ମାପ୍ ଖିଜୁଦିନ୍ ମି ଉଣ୍ଡିଙ୍କୁ ପାରତାନା କିଜିନାପ୍ । ମିଙ୍ଗୁ ଆମା ଜିନି ମାଡିନି ଉଣ୍ଡିଙ୍କୁ ମାପୁରୁ ମିଙ୍ଗୁ କୁକ୍ତାମାନାନ୍, ଆକା କିଦେଙ୍କୁ ଇଜି ମାପ୍ ମାପୁରୁଙ୍କୁ ମାଡିସ୍ କିଜିନାପ୍ । ଖାନି ସାଲ୍ଲିଦାନ୍ ଖାନ୍ ମି ଖିଜୁ ସତ୍ପାଣି ପୁରା କିଜି ମି ବିସ୍ତାସ୍ତିଙ୍କୁ ପିରିସ୍କିଜି ପୁରା କିନାନ୍ ।

୧୨ ଆଗ୍ତିଙ୍କୁ ମା ମାପୁରୁ ମାରି ପ୍ରଭୁ ଜିସୁ କ୍ରିସ୍ତିଦି ଦୟାଦାନ୍, ମିର୍ ମା ପ୍ରଭୁ ଜିସୁଦି ଦରତିଙ୍କୁ ଗୌରବ କିଦେଙ୍କୁ ଆଗ୍ନିଦେର ମାରି ମିଙ୍ଗୁ ବା ଖାନ୍ ଗୌରବ କିନାନ୍ ।

୨

ତାଗ୍ଲ ଲୋକ୍

୧ ☆ଏ ତଡାନକୁ ନି ତାଙ୍ଗୁକି, ପ୍ରଭୁ ଜିସୁ କ୍ରିସ୍ତିଦି ଦେସିଖାନିଦିନ୍ତି ବିସ୍ତାସ୍ତାନ ମାରି ଖାନି ଲାକ୍ତୁ ମାଡ୍ ଖିଜେରେ ଉନ୍ତେମାନୁ ଆନି ବିସ୍ତାସ୍ତାନ ମିଙ୍ଗୁ ବାଡିଙ୍ଗୁମାଲ୍ଲିନାପ୍ ।

୨ ପ୍ରଭୁଦି ଦିନ୍ ଖାତାଦିନି ଇଜି ଏମାଣାନ୍ ଖେନ୍ଡି ମିର୍ ଇନ୍ଙ୍ଗୁଆନିଙ୍ଗୁ ମାରି ବେମ୍ବି ଆମାଟ୍ । ମାପ୍ ପ୍ରଚାର କିନିଖାଲେ ଇୟାଖାଜା ଇନି ମାଟା ଖେରତାମାନାପ୍ ମାରି ଇୟା ବିସ୍ତାସ୍ତାନ ଇନିକା ରାସ୍ତି ଖେରତାମାନାପ୍ ଇଜି ଏସଲୋକାଙ୍କୁ ଏଡ୍ ମାନାଡ୍ ।

୩ ଇୟାଖାଜା ଖେରସି ମିଙ୍ଗ ଏନ୍ ଏଣ୍ଡେସ୍ ଖାଜାବା ବେମ୍ବି କିମାକିନ୍ । ମାପୁରୁଦି ବିରୁଦ୍ଧତାନ୍ ସାରାସାରିଖେନ୍‌କାରି ଜୁଦ୍ ଗଟାଈ ସାନ୍ଦି ମାରି ଆୟା ଅଦାମ୍ବୁଦି ଲୋକ ପୁରାଖେରଇ ସାନ୍ଦି ମାରି ଖାନିଙ୍ଗ ନରକଦି ପୋକଇ ସାନ୍ଦି ପ୍ରବୁଦି ଆୟା ଦିନ୍ ରେଏଡ୍ ।

୪ ଆୟା ତାଗଇଆମ୍ବା ଲୋକାଦି ଖାରଗିଜିସାନିକା ଝିନ୍ତୁ ପୁଜାଦି ଦିୟାମ୍ ମାରି ପୁଜାସିତି ଜିନିସିତି ବିରୁଦ୍ଧ କିନାଡ୍ ମାରି ନିଜେଦିଙ୍ଗ ଝିଜେରିଙ୍ଗ ମୁସକୁ ଇଡାୟାଆଦେଙ୍ଗ ଆସା କିନାଡ୍ । ଇୟାଖାଜା ଜେ ଖାନ୍ ମାପୁରୁଦି ମନ୍ଦିରତୁ ବାସ୍‌ସି ନିଜେଦିଙ୍ଗ ମାପୁରୁ ଇଜି ତରାନାଡ୍ ।

୫ ମିଙ୍ଗ ଇନିକା ଏଡ୍ ସିଲେଡ୍ ? ନାନ୍ ମି ଖାଲେ ମାରଇଖାଲେ ମିଙ୍ଗ ଇୟାଝିନ୍ତୁ ବିସୟ ଖେରତାମାରଆ ।

୬ ଏଣ୍ଡେସବା ଆୟା ସନିରାଉ ଇଲେଇ ଗଟାଏଡ୍, ଇରିଙ୍ଗ ତାନିଙ୍ଗ ବିରୁଦ୍ଧ କିଦେଙ୍ଗ ଇଲେଇ ଉନ୍‌ଡ୍ରୁ ସାକ୍ତି ମାନାଡ୍, ଆକା ଇନିକା ମିର୍ ନେସନିଦେର୍ ! ମାତର୍ ଆୟା ବେଡାଦୁ ଆୟା ତାଗଇଦୁବା ଇଗାଝାନାଡ୍ ।

୭ ଇୟାଦାପ୍ରେ ଖାନି ମାରଗିତିମାନି ତାଗଇ ପାଣି କିଜିନାଡ୍; ମାତର୍ ଖାନି ବିରଦ୍ଧକିତି ଲୋକ ଆକ ସଲ୍‌ଇ ସାନ୍ଦି ଆୟା ଗଟେଣେଙ୍ଗ ଗଟେଆଉ ।

୮ ତାନେଖେନ୍‌କା ଆୟା ତାଗଇ ଦୁବା ଇଗାଝାନାଡ୍; ମାତର୍ ଏସ୍ତିଖାଲେ ପ୍ରବୁ ଜିସୁ ଖାନାନ୍, ଖାନ୍ ଖାନି ଖେୟୁଦି ପୁଣ୍ଡାଦାନ୍ ତାନିଙ୍ଗ ଜୁଦ୍ କିନାନ୍, ମାରି ଖାନି ଜାୟତି ଆଗଡି ଖାନ୍ ଦଂସ୍ ଆନାନ୍ ।

୯ ☆ଆୟା ତାଗଇଦୁବା ସୟତାନ୍‌ତି ସାକ୍ତିଦାନ୍ ନାଣ୍ଡୁଡାଡ୍ ଆଜି ଖାନାଡ୍ ମାରି ନାଣ୍ଡୁ କାବାଆନି ପାଣି କିଜି ସାଲାକି କିନାଡ୍ ।

୧୦ ଗାଦିଲୋକ୍ ଖାନି ମାଟା ଆସ୍‌ସି ବାୟା ଆଜି ନାସ୍ ଆନାଡ୍ । ଆମା ସଡ୍‌ତିଙ୍ଗ ମାନାଜି ଖାନି ଉଣ୍ଡିଙ୍ଗ ମିସାଆଜିମାନି ମାଣାନ୍ ଖାର ରକିୟା ପୟତାରମାନ୍, ତାନିଙ୍ଗ ମାନାଏତି ମାନିଙ୍ଗ ଖାରି ଇୟା ଦଣ୍ଡୁ ଆନାଡ୍ ।

୧୧ ମାରି, ଇୟାଉଣ୍ଡିଙ୍ଗ ଖାର ଏଣ୍ଡେସ୍ ମିଡ୍‌ତାନ୍ ବିସବାସ୍ କିନାଡ୍, ଆୟାଉଣ୍ଡିଙ୍ଗ ମାପୁରୁ ଖାରି ଲାକ୍‌ତୁ ବାୟାଆନି ସାକ୍ତି ପୋକ୍‌ନାନ୍ ।

୧୨ ଆମାକାର ସତ୍ତାନ୍ ବିସ୍ବାସ କିଏର, ମାତର ଅଦାର୍ଯ୍ୟପାଣିଦୁ
ଝେଡ଼ିକା କିନାର, ଝାର ଝିଜେରେ ଇୟାଝାଜା ବିଚାର ଆନାର ।

ମିର ରକିୟା ଉଣ୍ଡିଙ୍ଗ ମନୋନିତ

୧୩ ଏ ତଡ଼ାନକୁ ନି ତାଙ୍ଗି, ମି ଉଣ୍ଡିଙ୍ଗ ମାପୁରୁଙ୍ଗ ଝିଜୁଦିନ୍
ଦନ୍ୟବାଦ ସିନିକା ନେଗେଡ଼ । ମାତର ପ୍ରବୁ ମିଙ୍ଗି ଜିବନ୍ନୋନାନ୍
। ସତ୍ତାନ୍ ମି ବିସ୍ବାସ ଉଣ୍ଡିଙ୍ଗ ମାପୁରୁ ମିଙ୍ଗି ପ୍ରାତୁମ୍ଭି ଝାଜା
ଆସକିତାମାନାନ୍ ଏଣ୍ଡେସ ପବିତ୍ରଆମାଦି ସାକ୍ତିଦାନ୍ ମିର ରକିୟା
ପୟନିଦେର୍ ମାରି ଉନ୍ତ୍ର ପବିତ୍ର କୁଟୁମ୍ବ ଆନାଡ଼ ।

୧୪ ମି ଲାକତୁ ମାପ୍ ଆମା ସୁସମାଚାର ପ୍ରଚାର କିତାମାନାପ୍, ଝାନି
ମାଣାନ୍ ମାପୁରୁ ମିଙ୍ଗି ଇୟାଉଣ୍ଡିଙ୍ଗ କୁକ୍ତାମାନାନ୍ । ମା ପ୍ରବୁ ଜିସୁ
କ୍ରିସ୍ତଦି ଗୌରବଦୁ ମିସାକିନି ଉଣ୍ଡିଙ୍ଗ ଝାନ୍ ମିଙ୍ଗି କୁକ୍ତାମାନାନ୍ ।

୧୫ ଏ ତଡ଼ାନକୁ ନି ତାଙ୍ଗି, ମା ପ୍ରଚାର ମାରି ମା ବଇଦୁ ମାପ୍
ମି ଲାକତୁ ଆମା ସତ୍ତା ଝେରତା ମାନାପ୍, ତାନିଙ୍ଗ ତାଟ୍ତାନ୍ ଆସସ
ଇଡ଼ଦୁ; ଆବେନ୍ ତିଲାଏଣ୍ଡା ମାନ୍ତୁ ।

୧୬ ମା ପ୍ରବୁ ଜିସୁ କ୍ରିସ୍ତ ନିଜେ ମାରି ମା ଆମା ବୁବା ମାପୁରୁ ମାଙ୍ଗି
ଜିବନ୍ନୋଜି ଦୟାଦାନ୍ ମାଙ୍ଗି ତାଟ୍ତି ସାସ୍ ମାରି ନେଗି ଆସା
ସିତାମାନାନ୍ ।

୧୭ ଝାନ୍ ମି ଜିବନ୍ତିଙ୍ଗ ଝିଜୁଦିନ୍ ସତ୍ତା ପାଣି କିଦେଙ୍ଗ ମାରି ସତ୍ତା
ବାକ୍ୟ ଝେରତେଙ୍ଗ ପୋକ୍ସି ମାରି ବପୁ ସିପିନ୍ ।

୩

ମା ଉଣ୍ଡିଙ୍ଗ ପାରତାନା କିଦୁ

୧ ସାରାସାରିଝେନ୍ଦକା, ଏ ତଡ଼ାନକୁ ନି ତାଙ୍ଗି, ମା ଉଣ୍ଡିଙ୍ଗ
ପାରତାନା କିଦୁ, ଏଣ୍ଡେସ ପ୍ରବୁଦି ବାକ୍ୟ ଦାପ୍ରେ ଝେଙ୍ଗିତା ମାହାଡ଼,
ଆକା ଏଣ୍ଡେସ ମି ଲୋଇ ଆୟାଝାଜା ଦନ୍ୟବାଦ ଲାବ୍ କିନାଡ଼ ।

୨ ମାରି ବା ପାରତାନା କିଦୁ, ମାପୁରୁ ଏଣ୍ଡେସ ମାଙ୍ଗି ତାଗ୍ଗଲୋକୁ
ମାରି ସୁରି ଲୋକାମାଣାନ୍କୁ ରକିୟା କିନାନ୍, ଇରିଙ୍ଗ ଝିଜେରେ
ସୁସମାଚାରତୁ ବିସ୍ବାସ କିଏର ।

୩ ମାତର ପ୍ରବୁ ବିସ୍ବାସତିକାନ୍ ! ଖାନ୍ ମିଙ୍ଗ୍ ସାନ୍ତି କିନାନ୍ ମାରି
ତାରୁଇ ଆମ୍ବାଦାନ୍ ରକ୍ଷା କିନାନ୍ ।

୪ ମି ମୁସକୁ ଆସା ଇଡ଼ଦେଙ୍ଗ ପ୍ରବୁ ମାଙ୍ଗ୍ ଆସା ସିତାମାନାନ୍
ମାରି ମାପ୍ ଆମାକା ଝେର୍ସିନାପ୍, ଆକା ମିର୍ ଜେ କିଜିନିଦେର୍ ମାରି
କିଜିମାନିଦେର୍, ଇୟା ବିସୟତାନ୍ ମାପ୍ ଜେ ନେସନାପ୍ ।

୫ ମାପୁରୁଦି ଜିବନ୍ନୋନିକା ମାରି କ୍ରିସ୍ତସିତିମାନି ସାସ୍ଆସ୍ନି
ନାଣ୍ଡଦାନ୍ ନାଣ୍ଡ ନେସ୍ନି ଉଣ୍ଡିଙ୍ଗ ପ୍ରବୁ ମିଙ୍ଗ୍ ସାକା ଆପିନ୍ ।

ଝିଜେରେ ପାଣି କିନିକା ମାନାଡ଼

୬ ଏ ତଡ଼ାନ୍କୁ ନି ତାଙ୍ଗ୍ କି, ଆମାକାର୍ ଗାଡ଼ିଆ ଜିବନ୍ତାନ୍
ଜିଜିନାନ୍ ମାରି ମା ମାଣକୁ ପୟତି ସିକିୟା ଇସାବତାନ୍ ପାଣି କିଏନ୍;
ପ୍ରବୁ ଜିସୁ କ୍ରିସ୍ତଦି ଦରତାନ୍ ମିଙ୍ଗ୍ ଇୟା ମାଟା ଝେର୍ସିନାପ୍, ଆୟା
ତଡ଼ାନ୍କାମାଣ୍ଡକୁ ଆକ ମାନ୍ତୁ ।

୭ ଏଣ୍ଡେସ୍ବା ମିର୍ ନେସ୍ତିମାନିଦେର୍, ମି ପାଣିକିତି ଝେନ୍କା
ମାଙ୍ଗ୍ ଏଡ଼ କିନିକା ମାନାଡ଼ । ମି ଝାଲେ ତେବାତିମାର୍ଇ ଝାଲେ
ମାପ୍ ଗାଡ଼ିଆ ଆଏପ୍ ମାର୍ହାପ୍ ।

୮ ମାରି ଇନିକା ସିଲେଣେଗା ମାପ୍ ଏମାଣାନ୍ ଜାଞ୍ଜା ଉଣ୍ଡୁଏପ୍
ମାର୍ହାପ୍, ମାରି ଏ ମୁସକୁ ବୋଜୁ ଆଇ ଉଣ୍ଡିଙ୍ଗ ମାପ୍ କାସ୍ ପୟଜି
ଝେଡେନାଡ଼ା ପାଣି କିତାମାର୍ହାପ୍ ।

୯ ମିମାଣ୍ଡକୁ ଇନିକା ଲସ୍ତେଙ୍ଗ୍ ଜେ ମା ଅଦିକାର୍ ସିଲେଡ଼, ଆକା
ସିଲେ, ମାତର ଏଣ୍ଡେସ୍ ମିର୍ ମାଙ୍ଗ୍ ଏଡ଼ କିଦୁ; ଇୟାଉଣ୍ଡିଙ୍ଗ ମାପ୍
ମି ଲାକ୍ତୁ ନିଜେ ନିଜେଦିଙ୍ଗ୍ ନେଗିକାନ୍ ଝାଜା ତର୍ଡେଙ୍ଗ୍ ଇଜି
ଆୟାଝାଜା କିତାପ୍ ।

୧୦ ମି ଝାଲେ ମାରୁଇବେଡ଼ାଦୁ ମାପ୍ ମିଙ୍ଗ୍ ଝେର୍ଡାମାର୍ହାପ୍,
“ଆମା ଲୋକ୍ ପାଣି କିଦେଙ୍ଗ୍ ବଦା କିଏନ୍, ଖାନ୍ ଉଣ୍ଡୁମାକିନ୍ ।”

୧୧ ଇୟା ମାଟା ମାରି ଝେର୍ସିନାପ୍, ଇରିଙ୍ଗ୍ ମାପ୍ କାବୁର୍
ଝେର୍ଆମାନାପ୍ ଜେ, ମି ଲୋଇରାନ୍ ଏସଲୋକ୍ ଗାଡ଼ିଆ ଜିବନ୍ତାନ୍
ଜିଜିନାନ୍ ମାରି ଆଇ ଲୋକା ପାଣିଦୁ ଆର୍ଏ ତେବାନିକା ଡ଼ିସ୍ସି
ଆଇକା ଇନିକା କିଏର୍ ।

୧୨ ପ୍ରଭୁ ଜିସୁ କ୍ରିସ୍ତ ଦରତାନ୍ ମାପ୍ ଆୟା ଲୋକାଙ୍ ଜାଗାର୍ତା କିଜି ଆଦେସ୍ ସିଜିନାପ୍, ଖାରି ଜିବନ୍ତୁ ମାରି ଅଡ଼ପ୍ ସେତା ଆଜି ନିଜେଦି ଜିନିକା ତିଆର କିଦୁ ।

୧୩ ମାତର୍ ତଡ଼ାନ୍‌କୁ ନି ତାଙ୍‌କି, ମିର୍ ନେଗିପାଣି କିଦେଙ୍ ଖାନ୍‌ମାଟ୍ ।

୧୪ ଇୟା ଆକୁଦୁ ମିଙ୍‌ ଆମାକାରୁରୁ ପୋକ୍‌ତାଜିନାପ୍, ଆଡିଙ୍ ମି ଲୋଇରାନ୍ ଏନ୍ ଆକା ମାନାଦେଙ୍ ବଦା କିଏନ୍ । ଆୟାଖାଜା ଲୋକ୍‌ତିଙ୍ ତିନିସ୍‌କିଜ ଇଡ଼ୁ ମାରି ଖାନି ଖାଲେ ମି ମିସାବିଡ଼ା ଡିସ୍‌ସିଦୁ । ଆର୍‌ତିଙ୍, ଖାନ୍ ସେମାର୍ ଆନାନ୍ ।

୧୫ ମାତର୍ ଖାନି ଉଣ୍ଡିଙ୍ ସାଡୁ ଇଜି ଅଡ଼ବିମାଟ୍, ତଡ଼ାନ୍ ଖାଜା ଖାନିଙ୍ ଜାଗାର୍ତା କିଦୁ ।

ସାରାସାରି ମାଟା

୧୬ ଆମା ପ୍ରଭୁ ମା ସାନ୍ତି ସିନାନ୍, ଖାନ୍ ମିଙ୍ ଓଜୁଦିନ୍ ସାନ୍ତି ସିପିନ୍ । ପ୍ରଭୁ ମି ଓଜେରି ଲାକ୍‌ତୁ ମାନିନ୍ ।

୧୭ ନାନ୍ ନିଜେଦି କିୟୁଦାନ୍ ଇକା ରାସ୍‌ସିନା “ପାଉଲ୍‌ଦିମାଣାନ୍ ମାଡ଼ିସ୍‌କିନିକା” ନା ଓଜୁ ଆକୁଦୁ ଇକା ସିନାଦି ଖାଜା, ନାନ୍ ଇୟାଖାଜା ରାସ୍‌ନା ।

୧୮ ମା ପ୍ରଭୁ ଜିସୁ କ୍ରିସ୍ତ ଦୟା ମିର୍ ଓଜିଦେର୍ ଜିବନ୍ତୁ ଅଡ଼ବିଦୁ ।

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

506ae627-08e2-556a-b39e-5315f886d95a